

Ո Ր Ո Շ ՈՒ Մ թիվ - Ը/Մ
Վարչական տույժ նշանակելու մասին

«11» օգոստոսի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով մաքսային ձևակերպումների մասնագետ Կարեն Ռաֆիկի Լևոնյանի վերաբերյալ նյութերը.

Պ Ա Ր Զ Ե Ց Ի

«Թուֆենքժի գրուպ» ՍՊ ընկերության անվամբ 20.08.2018թ. թիվ 05100011/200818/0018013, 24.09.2018թ. թիվ 05100011/240918/0020906, 30.04.2021թ. թիվ 05100011/300421/0013238 և 30.04.2021թ. թիվ 05100011/300421/0013228 ապրանքների հայտարարագրերով ՀՀ է ներմուծվել և ԵԱՏՄ ԱՏԳ ԱԱ 3003 90 000 0 ծածկագրով հայտարարագրվել թվով 7 տեսակի դեղամիջոց: ՀՀ ՊԵԿ հետքացրոդումային հսկողության վարչության աշխատակիցները իրականացրել են արտագնա մաքսային ստուգում «Թուֆենքժի գրուպ» ՍՊ ընկերությունում և հայտնաբերել, որ տարբեր անվանմամբ դեղորայքը հայտարարագրվել է ծածկագրի վերաբերյալ ոչ ճշգրիտ տեղեկություններով:

Ուսումնասիրության արդյունքում պարզվել է, որ հայտարարագրված ապրանքները հանդիսանում են դեղապատիճներով, դեղահատերով կամ բլիստերներով դոզավորված դեղամիջոցներ, որոնց վերաբերյալ ներկայացվել է համապատասխան տեղեկատվություն ՀՀ ՊԵԿ մաքսային հսկողության վարչություն՝ ապրանքի դասակարգման վերաբերյալ համապատասխան որոշում կայացնելու համար:

ՀՀ ՊԵԿ մաքսային հսկողության վարչության 01.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000045, ԱԴՈ-21-000046, ԱԴՈ-21-000047, ԱԴՈ-21-000048, ԱԴՈ-21-000049, ԱԴՈ-21-000050 և ԱԴՈ-21-000051 որոշումների համաձայն՝ «Ֆլուկոնազոլ դեղապատիճներ 150մգ», «Ցելեկոկսիբ դեղապատիճներ 200մգ», «Կլոպիդոգրել դեղահատեր 75մգ», «Իբուֆեն դեղահատեր 600մգ», «Պանտոպրազոլ նատրիում դեղահատեր 40մգ», «Ֆեքսոֆենադինի հիդրոքլորիդ (ֆեքսոդին) դեղահատեր 120մգ» նկարագրությամբ ապրանքատեսակները դասակարգվում են ԵԱՏՄ ԱՏԳ ԱԱ 3004 90 000 9 ծածկագրով (մաքսատուրքի դրույքաչափը հայտարարագրերի գրանցման օրերի դրությամբ՝ 2018թ. 0%, 2021թ. 3%), իսկ «Ամօքսիցիլինի տրիհիդրատ (Տիամոքս) դեղապատիճներ 500մգ, բլիստերում» ապրանքատեսակը՝ 3004 10 000 4 ծածկագրով (մաքսատուրքի դրույքաչափը հայտարարագրերի գրանցման օրերի դրությամբ՝ 2018թ. 0%, 2021թ. 3%):

Իրականացված արտագնա մաքսային ստուգման արդյունքում 06.07.2021թ. կազմվել է թիվ 0040-Ա ստուգման ակտը և «Թուֆենքժի գրուպ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Նյութերի ուսումնասիրման արդյունքում պարզվել է, որ 30.04.2021թ. թիվ 05100011/300421/0013238 ապրանքների հայտարարագիրը ներկայացրել է Կարեն Ռաֆիկի Լևոնյանը: 2021 թվականի հուլիսի 13-ին դեղահատերի ծածկագրի վերաբերյալ ոչ ճշգրիտ տեղեկություններ ներկայացնելու փաստի կապակցությամբ ՀՀ ՊԵԿ իրավաբանական վարչությունում Կարեն Ռաֆիկի Լևոնյանի նկատմամբ ՀՀ մաքսային օրենսգրքի 203-րդ

հողվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Կարեն Ռաֆիկի Լևոնյանը բացատրություն է տվել այն մասին, որ «Թուֆենքժի գրուպ» ՍՊ ընկերությունը զբաղվում է դեղահաբերի և դեղորայքի արտադրությամբ: «Թուֆենքժի գրուպ» ՍՊ ընկերության անվամբ ներմուծված և ԱՏԳ ԱԱ 3003 90 000 0 ծածկագրով հայտարարագրված հայտարարագրվել է մի շարք դեղահատեր՝ հիմք ընդունելով հաշիվապարանքագիրը և ՀՀ առողջապահության նախարարության հավաստագիրը, որում նշված է եղել ԱՏԳ ԱԱ 3003 ապրանքային դիրքը: Ներմուծված դեղահատերի նկարագրության մասին տեղեկացել է «Թուֆենքժի գրուպ» ՍՊ ընկերության աշխատակիցների տրամադրած բանավոր տեղեկատվության հիման վրա, ըստ որի դեղահատերը գտնվել են պոլիէթիլենային տոպրակներով համալրված ՊՎՔ տարաների մեջ՝ չփաթեթավորված վիճակում, որոնք ենթակա չեն մեծածախ և մանրածախ վաճառքի:

Վարչական վարույթի ընթացքում 17.07.2021 թվականի թիվ 11/11-3/44032-2021 գրությամբ հարցում է կատարվել «Թուֆենքժի» ՍՊ ընկերության տնօրեն Անա Մարիա Այվազյան Դավիդյան Անտոնիոյին, պարզելու՝ թե արդյո՞ք հայտարարագրման ընթացքում մաքսային ձևակերպումների մասնագետները դիմել են Կազմակերպությանը հավելյալ փաստաթղթերի կամ լրացուցիչ տեղեկությունների տրամադրման համար, միաժամանակ հայտնել Ձեր կողմից ներկայացված փաստաթղթերը բավարար էին ճշգրիտ հայտարարագրում կատարելու համար և արդյո՞ք վերջիններս հատկացված փաստաթղթերի ուսումնասիրման արդյունքում կարող էին պարզել, որ «Ֆլուկոնազոլ դեղապատիճներ 150մգ», «Յելեկոկսիբ դեղապատիճներ 200մգ», «Կլոպիդոգրել դեղահատեր 75մգ», «Իբուֆեն դեղահատեր 600մգ», «Պանտոպրազոլ նատրիում դեղահատեր 40մգ», «Ֆեքսոֆենադինի հիդրոքլորիդ (ֆեքսոդին) դեղահատեր 120մգ», «Ամօքսիցիլինի տրիհիդրատ (Տիամոքս) դեղապատիճներ 500մգ, բլիստերում» ապրանքատեսակները հանդիսանում են դեղապատիճներով, դեղահաբերով կամ բլիստերներով դոզավորված դեղամիջոցներ, ինչպես նաև մաքսային միջնորդները կարո՞ղ էին հասկանալ ապրանքատեսակի բնութագրական հատկանիշների և նկարագրությունների մասին և ճշգրիտ ծածկագրով հայտարարագրել, միաժամանակ, հնարավորության դեպքում տրամադրել պարզաբանում նշված ապրանքատեսակները հայտարարագրելիս «Թուֆենքժի» ՍՊ ընկերության կողմից տրամադրված լրացուցիչ փաստաթղթերի (օր. նախնական զննման արձանագրություն, տեղեկանք) և տեղեկությունների վերաբերյալ, սակայն վերջինս պատասխան չի ներկայացրել:

«Թուֆենքժի գրուպ» ՍՊ ընկերության և «Արմ ընդ Դավ» ՍՊ ընկերության միջև 30.04.2021 թվականին կնքված մաքսային միջնորդական ծառայությունների մատուցման պայմանագրի 1.1 կետի համաձայն՝ պատվիրատուն պատվիրում, իսկ կատարողը պարտավորվում է պատվիրատուին մատուցել վերջինիս կողմից ՀՀ սահմանով տեղափոխվող ապրանքների մաքսային ձևակերպումներին ուղղված գործողություններից մաքսային հայտարարագրի կազմման և մաքսային մարմին դրա ներկայացման, ընդունման ծառայությունը՝ պատվիրատուի տրամադրած փաստաթղթերի, գրավոր կամ բանավոր տեղեկությունների հիման վրա, իսկ պատվիրատուն պարտավորվում է ընդունել նշված ծառայության արդյունքը և վճարել դրա համար: 2.5 կետի համաձայն՝ պատվիրատուն պարտավոր է պայմանագրի «2.4» կետում նշված տվյալների ճշգրտման նպատակով կամ բեռին կամ դրա հայտարարագրմանը վերաբերող ցանկացած հարցի շուրջ կասկածներ ունենալու դեպքում կատարել բեռի նախնական զննում և անհրաժեշտ այլ գործողություններ, իսկ դրա արդյունքում ճշգրտված իրական տվյալները նախքան կատարողի կողմից ԱՀ-ն

մաքսային մարմիններին ներկայացնելը կամ մաքսային մարմինների կողմից այն ընդունելը տրամադրել կատարողին:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ: 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: 106-րդ հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնազման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին մասի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ: Առևտրային, տրանսպորտային (փոխադրման) և (կամ) այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար: Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը

կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ մաքսային ձևակերպումների մասնագետ Կարեն Ռաֆիկի Լևոնյանը դեղորայքի փաթեթվածքներից կարող էր պարզել, որ դեղորայքը կազմված է երկու կամ ավելի բաղադրատարրերի խառնուրդից, նախատեսված է թերապևտիկ և կանխարգելիչ նպատակներով օգտագործման համար, բաժնեծրարված է դեղաչափված դեղաձևերով և գտնվում է տարաներում կամ փաթեթվածքներում մանրաձախ վաճառքի համար, ուստի պետք միջոցներ ձեռնարկել համապատասխան ծածկագրով դասակարգելու համար:

Մաքսային ձևակերպումների մասնագետ Կարեն Ռաֆիկի Լևոնյանը 2021 թվականի օգոստոսի 11-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս չի ներկայացել:

Այսպիսով, գործի նյութերով պարզվել է, որ ՀՀ-ում գործող «Թուֆէնքժի գրուպ» ՍՊ ընկերության անվամբ 30.04.2021թ. թիվ 05100011/300421/0013238 և 30.04.2021թ. թիվ 05100011/300421/0013228 ապրանքների հայտարարագրերով ՀՀ ներմուծված տարբեր անվամբ դեղորայքը Կարեն Ռաֆիկի Լևոնյանը հայտարարագրել է ոչ ճշգրիտ ԵԱՏՄ ԱՏԳ ԱԱ 3003 90 000 0 ծածկագրով, ինչի հետևանքով առաջացել են 337929 ՀՀ դրամի չափով պակաս հաշվարկված մաքսային վճարներ, այսինքն՝ Կ. Լևոնյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 01.07.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» որոշումներով, 06.07.2021թ. թիվ 0040-Ա ստուգման ակտով, 30.04.2021թ. թիվ 05100011/300421/0013238 և 30.04.2021թ. թիվ 05100011/300421/0013228 Ա/Հ-ով, Կարեն Ռաֆիկի Լևոնյանի բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Կարեն Ռաֆիկի Լևոնյանին (անձնագրի համար՝ AP0661413) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել 168964 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Կ. Լևոնյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ՝



Ա. ՄՆԱՅԱԿԱՆՅԱՆ